

國

朝

列

卿

紀

國朝列卿紀卷之三十五

國初戶部侍郎年表

劉誠

武元年任左
人洪

杭琪

洪武元年任
人

尋适

武三年任左
人洪

程進

三年任右
人洪武

張琬

江西鄱陽人貢士洪武
三年任左五年卒於官

韓寬

儀使洪武四年任
人任侍

高啓

南直隸長洲人薦舉洪
武五年召侍郎未任罷

趙好德

見尚書洪武五
年任左歷吏尚

朱從善 南直泗州人舉人才洪武五年任七年致仕

周斌 人洪武七年任右

程昭 人洪武八年任左

李仁 河南唐縣人國初歸附洪武八年任

陳則 南直崑山人秀才洪武八年任

王廣 人洪武八年任才洪武八年任

沈立本 詳尚書洪武八年任

程昱 人洪武八年任歷吏部尚書

任彬 見尚書洪武九年任右

徐鐸 見尚書洪武九年任左



費震

江西鄱陽人舉賢良
洪武十一年任左

李煥文

武十一年任
人洪

顧禮

見尚書洪武
十一年起左

傅鐸

北直隸內黃人歲貢洪武
十三年任左十五年免

向志仁

十三年任右十四年免
人舉人才洪武

石璞

河南陝州人儒士洪武
十四年任右未幾致仕

栗恕

詳尚書洪武
十四年任左

高信

浙江義烏人歲貢
洪武十四年任右

李安仁

武十五年試任
人洪

李端

洪武十七年試任右
人舉人才

封益

十七年任左十八年坐誅

郭桓

山東東平人舉賢能洪武十八年任右本年伏誅

王道亨

十八年任右本年坐誅

張易

河南鄆陵人薦舉洪武十八年任左

張文質

武十八年任右

楊靖

兄尚書洪武十八年任左

張經道

山東蒲臺人博學洪武十八年試任十九年致仕

沈士榮

北直隸故城人歲貢洪武十九年任右二十二年卒於官

張璉

山西陽城人歲貢洪武二十年任右二十四年卒於官

陳宗禮

石喻浙江鄞縣人洪武甲子舉八二十四年任右二十五年免

郝新 詳尚書洪武十四年任左

傅益 陝西臨潼人歲貢洪武二十五年任右二十六

祁著 人洪武二十六年任左二十七年免

周志清 人洪武中薦舉二十六年任右二十七年致仕

郝鵬 山西徐溝人歲貢洪武二十七年任左

陳居敬 南直蒙城人舉人才洪武二十七年任左二十八

聶震 山東長山人洪武乙丑進士二十八年任左二十九

莫禮 南直吳江人歲貢洪武二十八年任右卒於官

鍾永 浙江慈谿人洪武二十九年任左

李新 河南內鄉人歲貢洪武二十九年任右

國朝列卿紀 卷之三十五

嚴良奇

浙江長興人舉人
才洪武三十年任左

郭任

南直丹徒人舉人
才洪武三十一年任左

盧迥

浙江仙居人舉人
能革除一年任右

夏原吉

見尚書革除三
年任右轉左

古

朴

河南陳州人鄉貢
永樂壬午年任右轉左歷尚書卒於官

劉

觀

北直雄縣人進士
永樂元年任右歷左都御史兼太子少保

王

禮

河南固始人歲貢
永樂元年任右本年卒於官

李文郁

湖廣襄陽人歲貢
永樂元年任右

孫瑜

四川犍爲人能吏
永樂元年任左二年謫行太僕寺少卿卒於官贈尚書

王鍾

南直華亭人掾吏
永樂元年任右七年卒贈太子太保諡僖敏

張

春

河南許州人歲貢
永樂六年任右

蔣

綬

直隸合肥人歲貢永樂
六年任右歷禮部尚書

王

彰

河南鄭州人舉人永樂
九年任右歷右都御史

曹

洪

湖廣襄陽人洪武中薦
舉永樂十年任右

國初戶部侍郎行實

劉誠字

人國初入仕吳元年拜司農少卿洪

武元年設六部改戶部左侍郎

杭琪詳戶部尚書洪武元年任戶部侍郎

尋适字

人國初入仕洪武元年拜黃州知府

有惠政三年以薦舉陞戶部左侍郎本年調殿中侍御史後出
爲廣西按察使卒於官

程進字

人國初入仕洪武三年陞戶部右侍

郎本年免

張琬字宗琰江西饒州府鄱陽人洪武元年由貢士入大學試

國朝文苑英華卷之三十三
高等授給事中二年改戶部主事三年春一日上問天下財賦戶口琬對無遺卽進戶部左侍郎謹身殿災上言時政上嘉賜文綺時歲饑請蠲天下民租百萬餘石上嘉納之琬年少才敏有心計五年以疾卒於官僅二十七歲衆惜其不久用云

韓寬字

人任侍儀使洪武四年任

高啓字季迪直隸蘇州府長洲人少孤力學工詩元至正間張士誠開府平江承制以淮南行省叅政饒介爲咨議叅軍事介有文學喜士啓時年十六或薦於介介見啓詩驚異以爲上客啓不屑去隱吳松江之青丘洪武初以廷臣薦與修元史授

林國史院編修官命教功臣子弟一日召見啓與編修官謝微
俱對時已暮上御闕樓擢啓戶部侍郎微吏部郎中啓以年
少未習理財且孤遠不敢驟膺重任遂與微俱辭於是賜罷仍
賜內帑白金給牒放還復居青丘先是啓嘗以史事爲國子祭酒
魏觀屬官雅相知契及是觀守蘇爲徙居城中延問郡中政事
得失接見甚密會觀得罪連坐死年甫三十有九啓身長七尺
有文武才於書無所不讀尤粹於史其文喜辯擊馳驟上下精
采煥發而詩尤號名家所著有缶鳴鳬藻二集行於世

趙好德見尚書洪武五年由安慶知府陞戶部任左侍郎六年

陞本部尚書

朱從善字

直隸鳳陽府泗州人洪武二年舉人三年拜

滁州知府有惠澤及民五年徵戶部侍郎七年致仕

周斌詳本部尚書洪武七年任戶部右侍郎

程昭字

人洪武初年入仕擢工部主事八年

陞戶部左侍郎

李仁字

河南南陽府唐縣人元末兵起仕僞漢陳友諒爲

招討使癸卯年王師下武昌率衆歸附大將常遇春奇其智略

見薦於

太祖特授黃州刺史使招撫叛亡及朱下州縣各聞

風納欵令代陶安鎮守凡六年民皆樂業洪武三年詔爲給事

中尋進吏部侍郎與陳修同秉銓政四年陞試本部尚書本年

坐事謫青州知府在郡多善政八年召補戶部侍郎未幾以年老致仕十四年起爲滁陽牧監牧司政克舉後卒於官

陳則字文度直隸蘇州府崑山縣人洪武初應秀才舉任應天府治中八年轉戶部侍郎左遷大同同知陞知本府則未仕之先僦屋授徒其教甚有法工於詩與高啓徐賁張羽楊基輩爲倡和友嘗賦紫菊花詩一時傳誦以爲絕唱人呼爲陳紫菊

王廣卽王鏐湖廣德安府隨州人洪武二年辟舉人才授松江府通判尋陞知府有治才八年陞戶部侍郎十四年罷歸沈立本詳本部尚書洪武八年任

程昱字

人洪武初入仕除戶部員外郎八年

任戶部右侍郎十三年陞吏部尚書詳國初吏部

任彬詳本部尚書洪武九年任戶部右侍郎

徐鐸詳本部尚書洪武九年任戶部左侍郎

費震詳本部尚書洪武十一年任戶部左侍郎

李煥文

人洪武十一年由陝西西安府知

府陞任戶部右侍郎

顧禮詳尚書洪武十一年起左侍郎

傅鐸字

直隸大名府內黃縣人洪武初由府學生貢入大

學

十三年陞戶部左侍郎十五年免

向志仁字

人洪武初舉人才

十三年陞戶部右侍郎十四年免

石璞字

河南河南府陝州人好學力行不事華靡洪武中

以儒士薦除本府教授十四年廷臣稱其有治才召陞戶部右侍郎未幾以病致仕

栗恕詳本部尚書洪武十五年任右侍郎

高信字

浙江金華府義烏縣人洪武中歲貢入大學十三

年授戶部郎中十四年陞戶部左侍郎與尚書閔鄉范敏常山徐恢俱以才能稱善於其職十五年陞試禮部尚書詳國初禮部

李安仁字

人洪武中人仕授山西大同府知

府以才幹薦十五年命試戶部右侍郎十七年以事罷免

李端字

人洪武中舉人才拜工部總部郎中

有能譽十七年

命試戶部右侍郎未幾卒於官

封益字

人洪武中舉人才

任湖廣岳州府知府十七年拜戶部左侍郎十八年坐郭桓累
伏誅

郭桓字

山東兗州府東平州人洪武四年以賢良薦拜山

西按察司僉事轉按察使十八年召陞戶部右侍郎貪賊無厭
本年坐盜官糧事發伏誅

大誥云造天下之罪其造罪愚者無如郭桓甚焉其所盜倉

糧以軍衛言之三年所積實空前者榜上若欲盡爲恐民不信
但略寫七百萬耳若將其餘倉分并十二布政司通同盜賣見
在倉糧及接受浙西四府鈔五十萬張賣米一百九十萬不上
倉通筭諸色課程魚鹽等項及通同承運庫官范朝宗偷盜金
銀廣惠庫官張裕妄支鈔六百萬張除盜庫見在寶鈔金銀不
筭外其賣在倉稅糧及未上倉該收稅糧及魚鹽諸色等項課
程共折米筭所廢者二千四百餘萬積糧嗚呼古今貪有若是
乎其郭桓不才乃敢如是其中所分人已者幾何罪及同謀愚
頑者多死犯必收焉空倉廩之府庫皆郭桓爲之

又云馬草事郭桓等官受要應天太平鎮江寧國廣德五府州

納草人徐添慶等戶賦鈔不行追徵合納馬草却於已納安慶府人戶內多科以補五府州原欠數目以致農忙時月勾取各人戶到官問出前由害民之奸纔方顯露

又云應天宣城太平廣德鎮江爲是興王之地久被差徭特將夏秋稅糧不時全免惟元宋入官田地我朝籍沒之田民田全免官田減半徵收凡免糧去處但凡民糧不一槩全徵其應天等五府州縣數十萬沒官田地夏秋稅糧官吏張欽等通同作弊並無一粒上倉與同戶部官郭桓等盡行分受君子詳觀可容乎

又云郭桓等收受浙西秋糧合上倉四百五十萬石郭桓等止

收六十萬石上倉鈔八十萬錠入查以當時拆算可抵二百萬石餘一百九十萬不曾上倉其桓等受要浙西等府鈔五十萬貫致使府縣官黃文等通同刁頑人吏沈原等作弊各分入已又云揚州瓜埠河泊所欠魚課鈔四萬張其郭桓著令追賠通同揚州知府戰慎不令網戶及湖官賠償却乃行下富戶追賠追鈔既足各人分受入已變賣銀兩其所欠四萬賍鈔行下湖官原籍江西布政司追賠及鈔至猶因循不進意圖入已雖未入已由是而犯嗚呼揚州魚戶欠鈔着令江西追賠其布政司不才將平民一槩科派又非揚州河泊所民初本所欠四萬兩處共追八萬揚州四萬已行入已重復追徵四萬又欲侵欺人

有如此無狀者

王道亨字

人洪武中舉人才

十八年陞戶部右侍郎本年坐郭桓累伏誅

張易字

河南開封府鄆陵縣人洪武中薦舉

十四年任兵部右侍郎十八年陞戶部左侍郎在部不留

心政務又不事事致諸事壅滯本年免

大誥云戶部侍郎張易進以儒業授掌錢穀凡諸行移謀皆吏

出已於公廨袖手若尸入奏錢糧槩知矣朕詢明白茫然無知

惟四顧而已

又云左侍郎張易右侍郎張文質郎中呂士威員外黃安主事

傳友文李益蔚綬王肅等官故推闡葺將應行事務故不施行
及至督責口稱事務繁冗發落不開於是命總目日事以憑考
驗十月十八日來呈十七日事件數該一百四十三件勅給事
中張衡御史胡昌齡考對盡是十月初三以來塚下公文本日
止有六件面欺平侮一百三十七件作一百四十三件面欺以
爲冗繁奸頑無籍之徒擅敢肆侮如是

張文質字

人

洪武十八年

任戶部右侍郎本年以欺侮罷見上

楊靖詳本部尚書洪武十八年任左侍郎

張經道字

山東濟南府蒲臺縣人洪武十年以博學舉授

兵部總部員外郎十三年陞太常寺卿尋以親屬犯罪免爲民
十八年召試戶部右侍郎本年署大理寺卿十九年以病致仕
沈士榮名全以字行直隸河間府故城縣人洪武中由歲貢入
大學
十九年陞戶部右侍郎二十二年卒於
官

張璉字

山西澤州陽城縣人洪武十七年歲貢入大學擢

同知陞僉事二十二年陞戶部右侍郎二十四年卒於官

陳宗禮名瑜以字行浙江寧波府鄞縣人洪武甲子舉人授陝

西道御史二十四年陞戶部右侍郎二十五年免

郁新詳本部尚書洪武二十四年任左侍郎

傅益字友文以字行陝西西安府臨潼縣人洪武中由歲貢入太學授戶部主事在部不事事致各務廢弛大詔謂其欺侮二十五年任右侍郎二十六年遷吏部右侍郎尋國初吏部

祁者字

人

洪

武二十六年任戶部左侍郎二十七年以事免

周志清字

人洪武中薦舉

十四年任大理寺卿本年改都察院右副都御史二十五年陞刑部右侍郎二十六年改戶部右侍郎二十七年致仕

陳居敬字宗禮直隸鳳陽府蒙城縣人洪武中舉人才擢湖廣按察司僉事有才譽二十七年召陞戶部左侍郎二十八年致

仕

郝鵬字

山西太原府徐溝縣人洪武十八年由歲貢入大

學授戶部

司主事歷郎中陞湖廣布政司左叅政二十七

年陞戶部左侍郎未幾以病致仕

聶震字

山東濟南府長山縣人洪武十八年乙丑進士

歷戶部員外郎謹端有守二十八年陞戶部左侍郎

二十九年以事免

莫禮字

直隸蘇州府吳江縣人洪武中以歲貢入大學授

福建按察司副使能聲卓著二十八年召陞戶部右侍郎未幾
以疾卒於官

鍾永字

浙江寧波府慈谿縣人兵部侍郎壻之子壻舉明

經實司馬永亦克承家學於洪武中舉明經

二十九年召陞戶部左侍郎二十九年致仕

李新字

河南南陽府內鄉縣人洪武中由歲貢入大學授

兵馬指揮有風力陞監察御史未幾轉工部郎中俱以振職稱
二十九年陞戶部右侍郎華除中以事免官

嚴良奇字

浙江湖州府長興縣人性朴實不欺善服鄉人

洪武三十年以稅戶人才入京上召問民風上裕奏對稱

旨拜戶部左侍郎華除中以事罷爲民永樂元年復其官賜致仕

郭任字

直隸鎮江府丹徒縣人洪武中舉人才三十一年

拜戶部左侍郎革除中靖難師至江任力主抗禦之策及師入城不屈戮死其子經亦處斬次子金山保發戍廣西三女監至次年俱殺之嘉靖中知府劉儲秀立祠祀

盧迥字

浙江台州府仙居縣人洪武中舉才能歷

革除一年拜戶部右侍郎迥為人疎俊每飲酣善謳人以爲狂及歷顯達恭慎自將會靖難師渡江迥同郭任守城力抗及城下不屈將就刑長謳而死聞者悲之

夏原吉見本部尚書革除三年由本部主事陞戶部右侍郎壬午年靖難平轉本部左侍郎

古朴字文質河南開封府陳州人洪武中鄉貢人大學生奉

命清理部縣田賦圖籍丁父喪二十一年服闋隸五軍斷事理刑遂
奏貧願仕得祿養母 太祖嘉之除工部管部主事授承仕郎
迎母就養京師二十六年母歿官給舟歸葬二十八年服闋改
兵部司馬部主事二十九年陞武選司員外三十年陞郎中授
奉議大夫革除三年陞兵部右侍郎授嘉議大夫壬午年 成
祖入正大統改戶部右侍郎轉左侍郎授通議大夫賜文綺襲
衣四年因建北京命採木江西有愛民之心竣事特被賜資七
年 上巡狩北京侍 仁宗監國嘗奉 命權禮部兵部及詹
事府事十八年扈行在洪熙元年改通政使詳南京戶部

劉觀字

直隸保定府雄縣人洪武乙丑進士授大谷縣丞

有治才以薦舉擢監察御史三十年陞署都察院左僉都御史又
革除二年調嘉興府知府尊禮賢士修學政興利去害郡中肅
然尋丁父憂永樂元年起復擢雲南按察使未行拜戶部右侍
郎二年召都察院左副都御史詳都察院

王禮字三河南汝寧府固始縣人洪武中由歲貢入大學授
北平按察司副使革除中坐事降邵武府通判有善政民甚懷
之永樂元年召拜戶部右侍郎本年卒於官

李文郁字三湖廣襄陽府襄陽縣人洪武中由歲貢入大學
授教諭革除三年以薦舉陞通政司左叅議永樂元年陞戶部
右侍郎本年命治水蘇松二年以事謫戍遼東性介直處思

難不易志洪熙元年召爲通政司叅議宣德三年以老致仕卒於家

孫瑜字四川嘉定州隸爲人洪武中舉能吏擢知州三十一年陞北平左叅政永樂元年陞戶部左侍郎二年謫北京行太僕寺少卿未幾卒於官贈戶部尚書

王鍾字公直隸松江府華亭人洪武中起家爲掾吏坐事戍遼東用薦授行太僕寺典簿華陰中進燕府紀善 文皇入

正大統命守北京永樂元年陞北京刑部郎中本年陞戶部右侍郎爲人寡慾雖富貴不略約特平最爲厚簡默遇事判決

沛然無滯二年 命侍 東宮居守北京宣統親重七年卒於

官洪熙元年 上思舊勞贈太子太保

張春字景初河南開封府許州人太監洪武中由歲貢入

大學授刑部郎中三十年陞都察院左

給事中彭澤劾武定侯郭英私養家奴男女請治罪 詔

勿問復奏不已 上令勲戚大臣其

三十一 年出爲禮部左叅政

十一年調山西右布政使

許綬字 直隸趙州府合

授戶部度支主事大詰謂其不

履行端方精核出納下人不得緣以爲奸革除中陞山西布政

司右叅議再著賢聲永樂六年召拜戶部右侍郎尋改禮部益
勵恭勤歷禮部尚書蒞事南京致仕詳南京禮部

王彰字文明河南開封府鄭州人幼穎悟好學稍長有司選爲
州學生益自刻苦學日進洪武丁卯領河南鄉薦明年會試禮
部弗利補大學生嘗使山東平糴以實軍儲同列納賄縱逋負
者彰毅然責之弗聽比還其人果得罪彰遂以廉幹聞明年擢
吏科給事中典封駁之任夙夜在公出納惟允歷左右給事中
益慎詭虛聲譽尤著遂進都給事中未幾改刑部員外郎時有
豪橫構訟根株連結數歲不能斷決有司率爲所誣彰曰法貴
平恕豈宜寬縱以長惡哉於是正之以法而爲所誣者皆得釋

人咸悅服既而超拜山西布政使司左叅政居藩七年吏弗忍欺民懷其惠永樂五年召拜禮部右侍郎階嘉議大夫時四方萬國奉玉帛重譯以朝覲賓貢者肩背相望於京師賞賚燕享無虛日與尚書鄭公賜同德協恭奉職惟謹明年以父喪去官哀毀踰節鄉黨稱焉九年服除遷戶部侍郎嘗祀華嶽過陝州之新安聞民鬻男女償逋租既還奏之 詔悉蠲其租且官給楮幣以贖其所鬻男女人皆德之十年壬辰改都察院右副都御史陞右都御史詳都察院

曹洪字

三

湖廣襄陽府襄陽縣人洪武中薦舉

一

永樂十年拜戶部右侍郎

卷終

國朝列卿紀卷之三十六

戶部左侍郎年表

古

朴

河南陳州人鄉舉永樂十八年以戶部左改行在二十二年訓通政歷南京戶部尚書

李

昶

詳總諸永樂二十年右

郭

敦

詳尚書永樂二十二年左

陳

山

福建沙縣人洪熙元年任左

王

佐

詳尚書宣德元年右五左

吳

壘

福建邵武人鄉舉宣德五年右正統六年謫戍

李

暹

陝西長安人鄉舉正統六年左十年致仕

焦

宏

河南葉縣人進士正統六年右本年出鎮閩浙陝西等處

王質

直隸太和人鄉舉正統六年
右八年陞刑部尚書

儲懋

直隸丹徒人鄉舉正統八年
右十四年遷禮部左侍郎歷南京戶部尚書

柰亨

順天香河人吏員正統
十一年左未任致仕

姜濤

山西忻州人鄉舉正統
十一年左十四年卒

劉中敷

詳本部尚書正統十四年
任左景泰四年卒於官

孟鑑

直隸博野人進士正統十四年
左天順元年致仕後起南京工部左侍郎

沈翼

直隸山陽人進士正統十四年
右景泰四年陞南京戶部尚書

李賢

河南鄧州人進士景泰
四年右五年改吏部

陳汝言

直隸潼關衛人進士景泰五
年右天順元年陞兵部尚書

薛遠

見總儲尚書天順
元年右本年丁憂

楊

鼎

詳尚書天順元年有六年左一

馬

諒

直隸和州人進士天順四年左六年調南京戶部左侍郎

薛

遠

見前天順六年右成化二年左

楊

璿

直隸無錫人進士成化四年右本年改副都御史撫荆襄河南

陳

俊

福建莆田人進士成化四年右九年改吏部歷南京吏部尚書

原

傑

山西陽城人進士成化五年左八年丁憂歷南京兵部尚書

翁世資

詳尚書成化八年左

程萬里

湖廣華容人進士成化九年右十三年致仕

殷謙

詳尚書成化十三年右尋左

邢簡

陝西咸寧人進士成化十三年右十四年卒

閻

本

陝西汾州人進士
成化十四年右

李

衍

詳總儲成化十六
年右二十年左

潘

榮

福建龍溪人進士成化十七年
左二十年陞南京戶部尚書

秦

紘

詳尚書成化
二十一年右

孫

仁

直隸貴池人進士成化二
十一年右二十二年致仕

李

嗣

廣東南海人進士成化二十二年右
二十三年左弘治元年清直法卒

王

與

直隸武進人進士成化二十三年左
本年陞南京戶部尚書歷南吏部

葉

淇

詳尚書成化二十三
年右弘治元年左

劉

璋

福建南平人進士弘治元年右四年
左本年陞南京吏部尚書改工部

張

鼎

陝西咸寧人進士弘
治四年右六年養病

吳原

福建漳浦人進士弘治四年左九年致仕

秦民悅

直隸舒城人進士弘治六年右七年改吏部歷南京兵部尚書

侶鍾

詳尚書弘治七年右

劉大夏

湖廣華容人進士弘治八年右九年左十一年陞總督兩廣歷兵部尚書

韓文

詳尚書弘治九年右

許進

河南靈寶人尚書瑣父進士弘治十年右十一年左十三年督宣大歷兵部尚書

李孟暘

河南睢州人進士弘治十一年右十三年左十六年陞南京工部尚書

王儼

湖廣華容人進士弘治十三年右十六年左正德元年致仕

顧佐

詳尚書弘治十六年左

張縉

山西陽曲人進士正德元年左二年陞南京戶部尚書

王佐

山西和順人進士正德元年
右二年左三年陞南京尚書

劉璣

詳尚書正
德二年左

王瓊

詳尚書正
德二年左

韓福

陝西西安前衛人進士正德三年左本
年出理湖廣糧餉改查遼東屯田謫戍

孫交

詳尚書正
德三年右

吳文度

應天江寧人進士正德三年左本
年陞南院右都歷南京戶部尚書

胡汝礪

應天溧水人進士正德三年
年左遷兵部歷兵部尚書

諸壘

直隸秦州人進士正德四年右尋
左五年致仕起南京吏部左侍郎

陳勗

山東單縣人成化辛丑進士
正德四年任左尋今致仕

喬宇

山西樂平人進士正德四年右五年
左六年陞南吏部尚書歷吏部尚書

陳震 陝西慶陽衛人進士正德五年

毛紀 山東萊陽人進士正德五年右本

韓鼎 陝西合水人進士正德五年右未任致仕

叢蘭 山東文登人進士正德五年右出督軍餉歷南京工部尚書

陳勗 見前正德五年左本年卒

邵寶 直隸無錫人進士正德六年左七年終養歷南京禮部尚書

王寅 直隸容城人成化辛丑進士正德六年右丁憂起刑部右侍郎

王瓊 見前正德六年右七年左

楊潭 詳尚書正德八年右九年左

侯觀 詳總諸王德九年右十三年左

鄭宗仁

詳總儲正德十三年右十四年左

邊憲

直隸任丘人成化甲辰進士正德十四年右十五年丁憂

秦金

見尚書正德十五年右十六年左

鄒文盛

詳尚書正德十六年右嘉靖二年左

邊憲

見前嘉靖元年左二年陞南刑部尚書改左都御史

王承裕

陝西三原人弘治癸丑進士嘉靖二年右六年陞南戶尚書

胡瓚

直隸永年人弘治癸丑進士嘉靖三年左六年陞南戶尚書

王軌

直隸江都人弘治己未進士嘉靖六年右七年左八年致仕

宋材

詳尚書嘉靖七年左

李時

直隸任丘人弘治壬戌進士嘉靖七年左本年改禮部歷內閣少傳華蓋殿大學士卒諡文康

何塘直隸懷慶衛人弘治壬戌進士嘉靖七年

張璉陝西耀州人弘治壬戌進士嘉靖七年

張雲詳總儲嘉靖八年

張璚直隸滄州人弘治乙丑進士嘉靖十年

陳軾湖廣應城人弘治乙丑進士嘉靖十三年

周叙湖廣九溪衛人正德辛未進士嘉靖十四年

唐胃廣東瓊山人弘治壬戌進士嘉靖十五年

王堯封直隸定興人弘治乙丑進士嘉靖十六年

袁宗儒直隸雄縣人正德戊辰進士嘉靖十六年

胡璉直隸永陽人弘治乙丑進士嘉靖十六年

高公韶 四川內江人弘治乙丑進士嘉靖十七年右十八年致仕

任洛 河南鈞州人正德辛未進士嘉靖十八年左二十年爲民

王杲 詳尚書嘉靖十八年右

張漢 湖廣鍾祥人正德甲戌進士嘉靖二十年左二十二年改兵部左侍郎

劉儲秀 詳總儲嘉靖二十年右二十一年丁憂

王暉 詳總儲嘉靖二十一年右二十二年左

江玄錫 直隸休寧人正德辛未進士嘉靖二十二年由江西巡撫陞右二十三年左本年卒贈戶部尚書

閔楷 直隸任丘人弘治乙丑進士嘉靖二十三年右尋左二十四年陞南禮書改南戶

夏邦謨 見尚書嘉靖二十三年右二十四年左

劉儲秀 見前嘉靖二十四年再左

趙廷瑞

直隸開州人正德辛巳進士嘉靖二十年左二十六改兵部歷兵部尚書

于湛

直隸金壇人正德辛未進士嘉靖二十五年右未任改撫鄆陽

潘潢

詳尚書嘉靖二十五年右二十六左

及宦

直隸交河人正德甲戌進士嘉靖二十年右二十七改左二十九致仕

胡松

直隸績溪人正德甲戌進士嘉靖二十年右二十九左本年陞工部尚書

駱顯

四川富順人嘉靖癸未進士二十九年右本年左三十年調南京戶部

傅鳳翔

湖廣應城人嘉靖癸未進士二十九年右三十年改兵左督團營

方鉉

詳尚書嘉靖三十年右尋左

葛守禮

山東德平人嘉靖己丑進士三十年右本年改吏部歷南京禮部尚書

馬坤

直隸通州人嘉靖癸未進士三十年右一十一年左三十四年陞南京工部尚書

盧紳

陝西咸寧人嘉靖癸未進士
三十一年右三十三督儲

謝九儀

山東章丘人嘉靖壬辰進士三
十三年右未任改兵部理戎政

倪嵩

直隸當塗人嘉靖己丑進士三十三年右
十右三十四年左本年陞南院右都

鄒守愚

福建浦田人嘉靖丙戌進
士三十四年右本年左

艾希淳

陝西米脂人嘉靖乙未進士
三十四年右三十五年閑住

吳嘉會

山西振武衛人嘉靖乙未
進士三十五年右改兵部

謝九儀

見前嘉靖三十五年
左三十六年閑住

蔡克廉

福建晉江人嘉靖己丑進士三
十六年左陞南京戶部尚書

周煦

直隸任丘人嘉靖乙未進士三
十六年右改兵部歷刑部尚書

馬森

福建懷安人嘉靖乙
未進士三十七年右

劉養直

四川內江人嘉靖戊戌進士三十八年右三十九年左四十年致仕

劉采

湖廣麻城人嘉靖己丑進士三十八年左歷南戶部尚書

高燿

詳尚書嘉靖三十九年左

石永

直隸成縣人嘉靖壬辰進士三十九年推右未任卒

劉大寶

河南確縣人嘉靖戊戌進士三十九年右四十年左本年致仕

趙貞吉

四川內江人嘉靖乙未進士四十年右本年開仕

霍冀

山西孝義人嘉靖甲辰進士四十年右

鮑道明

直隸欽縣人嘉靖戊戌進士四十年左

張舜臣

山東章丘人嘉靖乙未進士四十一年左歷南京都察院右都御史御史歷南京戶部尚書

馬森

見前嘉靖四十二年左歷總督漕運都察院右都御史

黃養蒙

福建南安人嘉靖辛丑進士四十二年右

王廷

四川南充人嘉靖壬辰進士四十四年左

劉自強

河南扶溝人嘉靖甲辰進士四十五年任右降慶二年轉左陞南院右都御史

徐養正

廣西馬平人嘉靖辛丑進士四十五年任左陞南工部尚書

趙孔昭

直隸邯鄲人嘉靖甲辰進士四十六年任右三年山督漕運

陳紹儒

廣東南海人嘉靖戊戌進士四十六年任右三年改太倉

張守直

順天遵化人嘉靖甲辰進士四十六年任右

趙孔昭

見前嘉靖四十年任左五年回籍

劉光濟

直隸江陰人嘉靖甲辰進士四十六年任右改吏部

直隸涪州人嘉靖甲辰進士隆慶四年任右都御史總督陝西三邊

郭朝賓

山東汶上人嘉靖乙未進士隆慶五年任左改督太倉

陳璚

直隸藁縣人嘉靖丁未進士隆慶五年任右六年轉左

傅頤

湖廣沔陽人嘉靖壬辰進士隆慶六年任

冀鍊

山東益都人嘉靖甲辰進士

梁夢龍

直隸興定人嘉靖癸丑進士

畢鏘

直隸石埭人嘉靖甲辰進士

李幼滋

湖廣應城人嘉靖丁未進士

孫應鰲

貴州清平衛籍直隸加平人嘉靖進士

沈應時

河南陽武人嘉靖庚戌進士

謝鵬舉

湖廣蒲圻人嘉靖癸丑進士萬曆三年任左

王好問 直隸樂亭人嘉靖庚戌進士萬曆元年任

吳文華 福建連江人嘉靖丙辰進士萬曆六年由廣西巡撫陞右七年侍養

胡執禮 陝西永昌衛人嘉靖己未進士萬曆七年任右八年轉左帶管倉場九年養病

劉斯潔 直隸易州嘉靖丁未進士萬曆八年任右

劉思問 河南孟縣人嘉靖丙辰進士萬曆九年任左總督倉場

王之垣 山東新城人嘉靖壬戌進士萬曆九年任右十年轉左七月給段

王廷瞻 湖廣黃岡人嘉靖己未進士萬曆十一年任右十年轉左督倉場

傅市學 直隸藁寧人嘉靖丙辰進士萬曆七年任右十年轉左督倉場

朱經 河南南丘人嘉靖己未進士萬曆十二年任右十年轉左

李世達 陝西澄陽人嘉靖丙辰進士萬曆十二年八月任右十一月陞吏部左

毛 鋼

順天薊州人嘉靖癸丑進士萬曆十二年任右十三年轉左

張國彥

直隸邯鄲人嘉靖壬戌進士萬曆十二年任右十四年轉左十五年總督倉場

楊俊民

山西蒲州人嘉靖壬戌進士萬曆十四年任右十五年左三月改兵部

孫丕揚

陝西富平人嘉靖丙辰進士萬曆十五年任右十七年左

溫 純

陝西三原人嘉靖乙丑進士萬曆十年任

蹇 達

四川重慶衛人嘉靖壬戌進士萬曆十七年任右本年陞兵部左

張孟男

河南中牟人嘉靖乙丑進士萬曆十七年由刑部侍郎陞左十八年陞南京工部尚書

裴應章

福建清流人隆慶戊辰進士萬曆十七年由郎陽副都陞右十八年九月左

莊國禎

福建晉江人嘉靖壬戌進士萬曆十八年由南州部右侍郎改左侍郎

戶部左右侍郎行實

古朴字文質河南陳州人洪武中鄉貢爲太學生命清理郡縣田賦圖籍丁父喪歸服闋隸五軍斷事理刑遂奏家貧願仕得祿養母太祖皇帝嘉之除工部營繕主事授承直郎迎母就養居無幾母歿官給舟歸葬服闋改兵部司馬部主事陞武選司員外郎授奉訓大夫再陞郎中授奉議大夫遂陞兵部右侍郎授嘉議大夫壬午年成祖入正大統改戶部右侍郎轉左侍郎授通議大夫賜文綺襲衣十八年扈行在尋定鼎北京除行在二字朴在戶部蚤作夜思勤勞弗懈一志於公無敢干以私謹守祖宗成憲不敢踰越或言事久於時小過不及者

亦當損益就中終不爲動永樂中建北京宮殿蓮伐木之役於
江西有愛民之心竣事特被賜資二十二年以罪改通政使尋
陞戶部尚書蒞事南京詳南京戶部

李昶詳總儲永樂二十年右

郭敦詳尚書永樂二十一年右

陳山字汝靜福建延平府沙縣人洪武癸酉舉人永樂初年授
奉化教諭六年召修永樂大典陞吏科給事中八年丁憂十年
起復到部擬陞廣東右布政使特留掌六科事十一年偕張瑛
侍宣皇講讀二十二年仁宗嗣位歷左春坊左庶子洪熙
元年陟行在戶部左侍郎宣德元年陞戶部尚書兼謹身殿

大學士入閣詳內閣

王佐詳尚書宣德元年右五年左

吳璽字信玉福建邵武人永樂戊子舉人卒業太學十年入選
列上等授兵部武選司主事歷本司郎中有才幹遇繁劇剴裁
不滯又善炫風跡以著聲稱宣德五年超陞戶部右侍郎於出
納知謹正統七年壬戌外夷來獻馬 英宗問該部貢馬入境
日用芻粟幾何邊郡所儲足用否璽因疾在告司官謝不知事
癸下獄辭連及璽謫戍威遠衛二年以疾卒

李暹字

陝西西安府長安縣人永樂中鄉薦入太學肄業

謁選以才學授戶部主事出納詳慎尤嚴持守以事謫清河監

監副嘗被選與吏部員外陳誠偕使西域踰萬里至撒馬兒罕
凡五往返還姿貌英偉言辭率直歷諸國皆得其懽心洪熙元
年進戶部郎中尚書夏原吉知其賢委總理在京糧儲至則漚
事嚴明剔祛宿弊宿奸巨蠹不得緣以侵牟宣德五年以才幹
著聞特陞南京通政使留開局十餘年正統六年戶部缺人召
爲左侍郎與尚書王佐同心國計酌盈濟虛而經費有制十年
卒

焦宏字克明河南南陽府葉縣人性至孝篤學永樂辛丑進士
拜監察御史守正不阿時都御史顧佐馭下嚴御史有不謹禮
法者皆罷斥獨善待之常出按貴州貴有疑獄不決論死者白

餘人察其實以聞皆釋免坐者十人而已公嘗相傳有妖前御史皆避正寢不敢居宏處之恬然陳都督鎮鳳陽行有違法者人重誣之欲寘之死地宣帝疑之命擇御史之賢且明者往廉問以命宏至則爲直其誣而坐以所當罪得不死謫戍邊由是日益有名人有受誣不能白者皆以得遇爲幸壬子陞江西按察副使人謂江西俗健訟宏曰吾知其人多讀書識道理吾當以理論之訟無難決者於是人有訟惟折之以理不尚嚴酷一人亦感其德無不服從獄遂清省江西連歲歉積逋稅藩府病之吏部侍郎趙新任總督奏委之宏撫循諭民懽趨之事以辦治已未陞江西右布政使益以寬厚爲治察下吏之有才行者

奏進之有起自末僚而爲縣令者九江歲納蘆葉而此地不產
乃歛錢於民買自他所而納逋負歲積民益困乃爲奏免之新
南昌府學修公署正堂及吏舍皆捐俸以倡僚屬故不勞而集
每以公事行縣寬而不縱嚴而不殘吏畏而民愛之尤喜興學
舍獎進士類九江濂溪書院久廢人侵軼其地復建祠宇以興
起其士人郡邑中有寒畯不得齒於學羅而致之禮遣爲弟子
有與鄉薦而貧不能赴春官者皆厚禮送之由之而成名者衆
辛酉徵爲戶部右侍郎食從二品祿有重事則以任之本年閏
浙蘇松半臨海寇往來海中伺便抄掠兵備廢弛 上命往視
閱諸軍修城堞備戰艦防守之法有當因革增損者悉以便宜

循事政令一新寇不得爲害蘇之嘉定民有田數百畝已歸之
官而稅尚在民苦之乃蠲其稅甲子閩中復開銀場又命往視
課頗重者請減之以利民乙丑上以陝西緣邊皆宿重兵俱
倚食內郡河南濱陝多積粟而諸衛多屯田慮有名無實復命
按視其廩庾考校其耕穫奸弊盡革儲峙以充其他建立皆倍
之正統己巳詔以叛賊思機發猶不庭假息孟養命出征之
而以宏主餽運抵金沙江奉命謹甚冒瘴癘以進軍不乏食而
身則病矣然尤力疾終其事師還浮三峽道荆襄以朝京師因
家南陽葉縣以困憊弗堪少止求醫藥而疾加劇不能就道卽
上奏曰臣餽師無功又不善攝養爲瘴癘所侵今瘡復作連項

背勢且日甚恐不得入朝見 陛下謹具奏復命踰數月計至
上深悼惜之命禮部致祭工部爲治墳塋宏盡心 朝廷遇事勇
而爲之必盡其方不擇利害爲取舍與人交謙恭和厚言語恂
恂有不當其意輒毅然自任不可回於得失不較也故於其卒
也世多惜之

王質字

直隸鳳陽府太和縣人永樂中由鄉舉授南陽縣

訓導以才學卓異拜監察御史清謹老成陞四川叅政愈勵前
志出巡不吃肉惟蔬菜而已蜀人呼爲青菜王及遷山東右布
政使有惠及民正統六年召爲戶部右侍郎輿論懽然在戶部
清利源塞弊孔而所守臚然不淄八年陞刑部尚書以失囚左

遷後轉戶部未任卒

儲懋字

直隸丹陽縣人永樂甲午舉人十二年授台州府

訓導二十二年擢吏科給事中正統元年陞翰林院修撰三年陞侍讀八年陞戶部右侍郎爲人端重寬和協尚書慎出納塞弊源十四年改禮部左侍郎詳禮部

柰亨字

順天府香河縣人由吏員革除末年靖難兵起命

守城永樂元年叙功授修武縣丞九年陞吏部文選司主事十五年陞行部吏曹員外郎十九年改驗封司員外郎宣德二年調文選司員外郎三年轉光祿寺少卿八年陞通政司左通政十年出使安南正統元年還京三年陞光祿寺卿十一年陞戶

部左侍郎未任仍掌光祿寺事十四年致仕爲人機警善幹才故久見委任云

姜濤字靜之山西太原府忻州人永樂甲午鄉舉授嘉興府同知二十一年改河間府宣德九年以剛正廉幹陞本府知府有政績敏決有爲士民宜之正統元年陞順天府尹安常率職民亦不擾四年京師大水命存問被水軍民具奏賑濟十一年陞戶部右侍郎十二年陞戶部左侍郎十四年卒於官

劉中敷詳本部尚書正統十四年任左景泰四年卒

孟鑑字克明直隸保定府博野縣人宣德癸丑進士授吏科給事中歷戶科都給事中正統十四年廣東南海賊黃蕭養起陞

戶部左侍郎奉勅勦討景泰元年留巡撫廣東二年回部督事天順元年致仕詳南京工部左侍郎

沈翼字克敬直隸淮安府山陽縣人宣德庚戌進士授戶部主事正統八年雲南梁魁思任發梗化出師以翼爲轉運使十二年沙州達官南哥內附勅翼徙置東昌平山陞郎中十四年時虜寇欲據通州積粟勅翼焚之翼乃僞焚腐草烟焰蔽天虜遁去上嘉其應變特陞戶部右侍郎僉運糧料分守正陽門因僉運糧船驚散勅翼催趕到京尋暨平江伯陳豫鎮守臨清兼督漕運景泰四年陞南京戶部尚書詳南京戶部李賢字原德河南南陽府鄧州人宣德癸丑進士正統丙辰授

吏部驗封司主事乙丑陞考功郎中踰兩月丁母憂久之轉文選司郎中候終制赴京己巳英宗北狩扈從官多預其難瀕死而還景泰初年上正本十策奏入命翰林繕寫置左右焉辛未冬以廷薦陞兵部右侍郎壬申奉命察四川有司之不職者癸酉還京尋改戶部時尚書金濂以才負獨倚賢爲重一切浮費能力革之甲戌轉吏部累官少保詳內閣

陳汝言字時獻直隸潼關衛人正統壬戌進士授戶部主事歷郎中有幹才善以巧佞結權貴多愛之景泰五年驟進戶部右侍郎甚爲公論所棄會景泰有疾衆議請復茂陵未上遂附武臣石亨張軏太監曹吉祥文臣徐有貞王驥楊善等謀奪

門奉 英宗復位遂進兵部尚書理部事詳兵部

薛遠見總儲任戶部郎中天順元年使交趾還進右侍郎本年
丁憂四年起工部右侍郎治河南決河事竣六年再改右侍郎
成化元年督餉兩廣賊平二年轉左詳南京兵部尚書
楊鼎詳本部尚書天順元年右六年左

馬諒字子諒直隸和州人宣德癸丑進士授行在吏科給事中
數陳時事闡切知大體正統九年陞山東左叅議究心吏治衆
服其明屢陳撫民恤民便民等事 上嘉之景泰二年陞應天

府尹有聲天順元年陞南京戶部左侍郎尋丁憂四年改戶部
左侍郎時年力衰邁無所建明六年仍改南京戶部左侍郎詳

南京戶部

楊璿字叔璣直隸常州府無錫縣人正統戊午中京闈鄉薦已未登進士第尚未授室乃以股歸還朝拜戶部主事陞郎中璣才質通敏負器局論事果斷無姦阿態甚爲大司徒金濂所器財賦出納凡經籌畫不復省訾久之陞山西右叅政徧歷州郡覈實戶數立上中下三等法均其徭役民用利便奉勅督輓軍餉二十萬石實邊廩事衆而人不知勞天順中陞陝西右布政地控三邊動輒有警徃歲西夏用兵芻粟轉輸皆出調度洪渠水溢涇陽縣治堰以殺其勢賑恤匱乏存問輒獨其治民如山西而加勞焉在陝西五年改河南右布政使丁憂未任成

化四年起戶部右侍郎本年入謁值流民嘯聚荆襄南陽山谷間以百萬計朝議求堪任撫循重寄者僉推璿故上始欲任典邦賦尋撤以去改右副都御史撫處流亡後歷撫順天河南等處詳河南巡撫

陳俊字時英福建興化縣人正統戊辰中進士第授戶部主事景泰甲戌差督天津諸衛官兵舊欠採秋青草卽上言採取舊有額已難徵辦况歲徵耶漁不可以竭澤朝廷是之得減歲增之數三十五萬束令止輸原額蘇松諸郡折糧銀爲里豪所侵者七十五萬兩有奇俊往徵之不數月悉輸納帑尚書金濂大咨異之俾典闔部奏章自是更景泰以至天順歷員外郎中

職皆嚴辦而賢能之聲日益有聞辛巳 朝廷出師征兩廣叛
寇 命往督饋餉時公私匱乏百方籌畫用是兵不乏食而民
不出賦輿論稱之成化元年陞南京太常少卿四年召爲戶部
右侍郎時尚書楊鼎以剛悍自任不假貸於僚佐然獨重俊事
經俊斷者卽不復省屬時四方奏災異三邊告輸輓文移還集
諮議旁午裁決如流不滯晷刻而靡不曲當人咸服不可及辛
卯京師饑俊奉勅發太倉粟一百萬石減價糴以利民權貴有
乘時射利者俊請於 上凡糴以升斗滿一石者閉不與其計
遂阻而饑者獲濟壬辰 上命將北征特勅總督軍餉於秦晉
諸邊俊倍道疾馳比至則邊庾空竭歲且不登芻粟價湧而偷

林延綏糧道險遠輸者病之俊乃發金於內郡市易且修西安韓城同官徑道以便飛輓而行所向無敵虜酋授首勞伐居多凱旋加俸一階九年遷吏部右侍郎詳南京吏部

原傑字子英山西太原府陽曲縣人正統乙丑進士擢廣西道監察御史奉勅巡按江西剛決不滯風裁獨著景泰年歷

陞江西按察使持身清白不可干以私而吏弊盡除天順年任山東左布政使清田賦正均徭民咸宜之成化二年陞都察院右副都御史巡撫山東地方孤介有爲觸法者不少貸五年召爲戶部左侍郎六年差蒞河南考察文武官員八年以憂去詳南京兵部

翁世資詳尚書成化八年左

程萬里字道遠湖廣岳州府華容縣人天順丁丑進士授吏科都給事中成化六年上言饑民流集京師米價騰湧計自今吏部聽選不下萬餘率多缺食乞准回籍以聽取用從之陞通政司右叅議尋轉左七年陞右通政八年轉左通政管易州廠九年陞戶部右侍郎十三年致仕

殷謙詳尚書成化十三年右尋轉左

邢簡字居敬陝西西安府咸寧縣人景泰甲戌進士授刑部主事歷本部員外郎天順七年陞真定府知府祛弊政清均徭於番漢官軍勲貴戚里悉斟酌周當尤敦崇學校修文廟建公署

政績大著居任七年士民帖服有琴鶴雙清之頌成化六年陞
浙江右叅政以嚴治稱九年召陞順天府尹政尚操切而事亦
速辦十三年陞南京大理寺卿本年陞戶部右侍郎十四年暴
病卒於官

閻本字宗元陝西西安府邠州人景泰甲戌進士授戶部主事
歷本部郎中成化乙酉總督薊州等處糧儲操履清白出納平
允防範周密動有程法一切宿弊剗剔殆盡軍士蒙惠人稱神
明會巡撫員缺上命禮部侍郎鄒幹來賑濟饑民與總兵東
寧伯焦壽文章論薦遂陞右僉都御史巡撫順天永平二府激
濁揚清鋤強植弱伸理冤抑周濟匱乏處置錢糧修理平谷豐

潤主田開平等處城池及通薊浮橋本不畏權要有貂璫許某恃勢私稅商貨立置其人於法總兵掾吏舞文害人卽於府中捕之尤注意學校作興斯文以故貪婪解綬士民歸心尋陞右副都御史巡撫畿內八郡後以修理太廣小人藉是駕謗稱疾致仕軍民遮道送之號泣如失父母十四年會西陲有警復起爲戶部侍郎總督軍餉未幾卒於官

李衍詳總儲成化十六年右二十一年左

潘榮字尊用福建龍溪人正統戊辰登進士第奉命齎銀幣犒師廣東景泰庚午拜吏科給事中彈駁有體論停起復抑奔競數事尤剴切多見嘉納壬申陞左給事中充荆府冊封副

使不受餽送甲戌歸省 賜楮幣爲道里費未幾值父喪毀瘠
骨立事母不離側天順己卯始以服闋復任壬午簡充琉球國
冊封使 賜麒麟衣玉帶以行至則奉宣 德意王以下皆竦
息聽命陪臣請爲中山八景記援筆立就有用夏變夷語國人
爲之刻石甲申還 朝陞都給事中以母喪歸成化己丑復任
庚寅陞南京太常寺少卿丙申陞南京戶部右侍郎戊戌奉
勅督南京糧儲尋改都察院右副都御史仍領其事辛丑 召入
爲戶部左侍郎適尚書缺遂署部事免兩浙償補鹽課人皆稱
便會久旱漕河淤涸奉 命督治運舟畢至甲辰陞南京戶部

尚書詳南京戶部

秦紘詳尚書成化二十年右

孫仁字世榮直隸池州府貴池縣人景泰辛未進士授戶部主事丁憂起復補工部主事陞順慶府知府再丁憂不起成化初檄補西安府知府歷陝西左叅政進右布政使轉左成化十六年陞都察院右副都御史巡撫四川地方二十一年陞戶部右侍郎二十二年致仕

李嗣字克承廣東廣州府南海縣人性端謹質幹魁梧年十三有司羅爲邑庠生氣蓋時輩識者知其偉器中景泰甲戌進士授南京戶部主事以清勤知名嘗催督南畿江西積欠輸賦不勞而集乃奏增大臣一員專董其事遂爲例晉署郎中事時五

城兵馬司妄奏房鈔都稅司侵尅公課蠹政戾民叅提兩正其
罪士民快之尚書張鳳推重之曰公輔才也欲薦代已會鳳卒
不果尋實授郎中階奉政大夫再貤恩父母出知金華府下
車之始供億豐腆一無所受適行鄉飲酒禮有司設主席散核
視賓十倍遽令撤之由是吏民知風指終嗣任不敢干以私郡
俗婚嫁論財生次女卽淹殺之雖富家亦然嗣嚴其禁使資送
無得過制其俗漸革舉女者必字李云慨教化不明乃奏立正
學書院祀先儒王何金許四賢重修呂東萊張南軒朱考亭會
講麗澤書院俾郡人知所嚮慕治地僻遠民苦賦役奏請割
三郡近地設湯溪縣隸本府以便之諸賦浩繁邑里多逋竄者

乃爲手券貸諸富室以紓其困民情安堵士風丕變治行爲浙
並諸郡之冠壬辰入觀與黃州守並課優等詔命旌異授
中憲大夫卽遷浙江右叅政轉左修築長堤以禦紹興寧波海
漲二郡民永賴其利又上軍政數十事蒙允轉行諸省晉福建
右布政使一時寮案多鄉人常居和衷相與臨事則凜不可犯
閩士稱其公明播諸謠頌漳州有狂生得幻術醉後能人役草
木邑吏上變藩臬議舉兵嗣曰討之是激其反爾單車往其家
命縛以歸一省帖然尋轉左布政使辛丑入覲如京道經金
華民爭逐之攀轅涕泣不忍舍共丐御史淮南蔣誼爲文刻石
路左以昭功德癸卯遭內難守制於家適蘇松多事奪情起嗣

爲都察院右副都御史往巡撫焉首陳事宜降勅嘉獎所至

百廢具興居無何召還授戶部右侍郎丁憂廷試預讀卷會

上太皇太后徽號賜恩階嘉議大夫贈祖父母如已官孝

宗卽位力疏休致優詔不許尋轉左侍郎會本部有言兩淮

鹽法不舉虧損邊儲者奉璽書督視兼都察院左僉都御史以

行悉心羣務遂感疾卽上章乞歸得旨乘傳還第俟瘳起用

弘治甲寅卒年六十有九訃聞賜葬祭嗣爲人孝友器量宏

重見義敢爲遇事有斷居官三十餘年田園無所營增沒之日

衣篋中惟白金十兩而已登第後祖業盡與兄弟俸餘必以均

宗黨有司請大其居力辭之遭內難自任抵家官司多致祭禮

贖金動以千兩毫釐無所取巡撫蘇時約束家人無得外接富民賄請見其子嗣聞之卽遣之還廣其廉介如此何淡所撰墓誌銘贊云嗟乎貪夫徇財烈士徇名余嘗悼夫世之徇財者之衆而徇名者何少也前數十載吾廣士夫多以富爲諱爭白灑濯以免公議及余接世務以來聞人仕衆必問曰好衙門否聞人退衆必問曰有收拾否且耀金珠廣田宅以驕里閭者世不以爲過也夫勢大則用奢父驕則子汰卒之顛覆而後知財爲禍梯亦已晚矣李嗣之名乃今知之爲其廉也居官廉故蒞事公蒞事公故民愛敬民愛敬故功業昭公業昭故修名立修名立然後仁孔子曰君子去仁惡乎成名信哉富貴之不審貧

賤之不安往往陷溺其本心雖謂之不仁可也

王傑字廷貴直隸常州府武進縣人景泰辛未舉禮部賜進士及第三人授翰林院編修被旨偕修撰柯潛教庶吉士吳滙

等二十八人肄業東閣冬丙辰代祠東岳甘雨隨注甲戌丁

外艱天順丁丑仍舊任庚辰同考禮部會試時稱得人尋命侍

東宮講讀辛巳年預修大明一統志成賜金帛癸未復同考禮

部進侍講甲申憲宗踐祚以侍從恩擢左春坊左庶子仍

舊職勅充經筵講官敷祈明暢啓沃良多修英廟實錄分

掌禮館成化乙酉改南京翰林學士戊子以母喪歸辛卯服闋

適南京祭酒缺朝廷特用薦起於家俱嚴督率明賞罰公差

遺奏上論便宜數事又修廟宇學舍補刻書板建書庫門工悉就緒壬寅滿九載進南京吏部左侍郎時吏弊滋甚每差撥則呼爭於庭乃按舊試叅以時宜著爲定規郡吏懾服丁未召爲戶部左侍郎乘傳赴闕甫數月 孝廟登極遷南京戶部尚書復改南京吏部詳南京吏部

葉淇詳尚書成化二十三年右弘治元年左

劉璋字廷信福建延平府南平縣人天順丁丑進士授戶部主事歷本部郎中成化 年陞山東右叅政尋轉左 年歷

陞浙江右布政使轉左二十二年陞都察院右副都御史總督漕運二十 年命撫治鄖陽等處地方本年改撫四川地方弘

治元年歷工部右侍郎本年改戶部右侍郎四年陞左侍郎本年陞南禮部尚書詳工部

張鶴字大器陝西西安府咸寧縣人成化丙戌進士授刑部主事遷本部員外郎十年陞太原府知府十年陞山西右叅政十年轉左叅政二十二年陞河南按察使弘治元年陞都察院右僉都御史巡撫保定等處地方四年陞戶部右侍郎六年養病於家

吳原字道本福建漳州府漳浦縣人天順甲申進士授禮科給事中歷兵科都給事中十七年陞太僕寺少卿二十三年陞太僕寺卿弘治元年陞戶部右侍郎總督倉場四年陞本部左侍郎

郎九年致仕

秦民悅字崇化直隸廬州府舒城縣人天順丁丑進士授行人
司行人歷工部屯田司員外郎成化十年陞廣平府知府剛毅
開敏多直氣能卓然自立政出公平百廢修舉士民宜之如檢
勘荒田馬地共三十餘頃辯冤活獄一十九人招流亡進六千
戶皆焯然在耳目十九年滿九載方去民立生祠求大學士劉
珝紀其政績祀之陞江西右叅政歷三載陞右布政使弘治三
年轉左民悅在江西凡三任察民情最深敷政多從寬恕不尚
嚴苛四年陞都察院右副都御史巡撫順天地方整飭薊州兵
備未幾召爲戶部右侍郎提督倉場六年回理部事尋南京戶

部

伯鍾詳尚書弘治七年任右

劉大夏湖廣華容縣人天順甲申進士弘治八年任右侍郎九年轉左丁巳宣大倉場糧草告乏特命兼左僉都御史總督軍餉瀕行周司徒經謂曰邊上糧草半屬京中貴人子弟經營公素不與此輩合此行所謂剛取禍矣大夏曰處天下事以禮不以勢定天下事在近不在遠俟至彼圖之至召邊上父老日夕講究遂得其要領一日揭榜通衢云某倉缺糧幾千石草幾千束每石每束給官價若干封圻內外官員商客之家但願告報者米自十石以上草自百束以上俱准告雖中貴子弟不禁

也不兩月倉場積蓄有餘蓋往時糴買法有來告糧百千石者
草千萬束者方准以致中貴子弟各爭相爲市乃轉買邊上軍
民糧草陸續運至自此法立有糧草之家自往告報中貴家人
卽欲糴無處得買也邊上軍民云自劉公收市法行倉場有餘
積私家有餘財三十年前僅見此耳踰年上章乞致仕孝皇
特旨令馳驛歸養病痊起用歸踪跡不出里閭入官所得俸資
每賙族人之貧匱者庚申進右都御史總督兩廣軍務詳兵部
韓文詳尚書弘治九年任右

許進河南靈寶人成化丙戌進士弘治十年任歷吏部尚書詳

吏部

李孟暘字時雍河南淮慶府睢州人成化壬辰進士十年除戶
科給事中十四年丁憂十七年起復補前職二十一年陞禮科
都給事中弘治元年陞湖廣左叅政三年陞廣西左布政使八
年陞都察院右副都御史總督南京糧儲十一年陞南京戶部
右侍郎改北十三年轉左十五年陞南京工部尚書正德元年
致仕詳南京工部

王儼字民望湖廣岳州府華容縣人成化己丑進士授兵部主
事丁憂起補刑部又丁憂再起補工部主事遷員外郎二十年
陞郎中弘治二年陞成都知府四年改衛輝知府八年陞河南
左叅政十一年陞陝西右布政使尋陞左十二年陞都察院右

副都御史巡撫山東地方十三年陞戶部右侍郎十六年轉左十八年命兼左僉都御史督理宣大軍餉正德元年致仕

顧佐詳尚書弘治十六年任右侍郎

張縉字朝用山西太原府陽曲縣人成化己丑登進士初知鉤州軍民多頑獷以嚴治之皆斂手奉令尋以內艱歸終喪改知滄州居南北之衝且頻病雨潦多方賑救民賴之安權貴欲請境內地爲莊田縉不可其事乃寢陞南京工部郎中未三年陞杭州知府在郡八年節縮百費省民財十有餘萬陞山東叅政弘治癸丑河決張秋上命平江伯陳銳都御史劉大夏治之百需悉委調度及功成遂陞其秩爲右通政屬之行河庚申八

月陞都察院右僉都御史巡撫保定等處疏陳八事皆切民病
辛酉四月陞右副都御史巡撫宣府虜入遮擊屢有斬獲之功
是歲十一月改督漕運造舟之價必預給漕卒必選其精壯者
補之癸亥甲子淮揚連歲告饑奏留糧米賑濟所全活者甚衆
丙寅陞戶部左侍郎時逆瑾專政惡其不已附者會南京戶部
尚書缺以縉往補而卽因事逮之時同逮皆復官惟縉致仕詳
南京戶部

王佐字廷輔山西遼州和順縣人成化戊戌登進士第辛丑除
文選司主事尋丁外艱去甲辰服闋補考功司丁未當朝覲
之期例覈天下諸司官佐博采輿論必求其當遷考功員外郎

弘治庚戌進驗封郎中太宰三原王公恕知佐亮直調考功司
又直 覲期黜貪濁斥庸懦請托視前加嚴焉甲寅遷太常少
卿提督四夷館尋丁內艱去服闋改順天府丞轍下事繁勅涉
權要佐處之裕如乙丑遷光祿寺卿節縮供應所省甚多正德
丙寅陞戶部右侍郎奉 勅勘功臣地於常州丁卯轉左時劉
瑾用事凡大臣科道使外還者皆有厚餽不然立見罪黜佐獨
無所餽瑾常語人曰世言山西人吝果然自是銜之屬時遣使
稽覈各邊糧芻先後巡撫憲臣多坐累繫獄佐一日同尚書顧
佐輩見瑾瑾言及茲事曰 朝廷必誅戮一番人乃懼耳佐曰
本朝未嘗戮大臣恐不可開端有毀吏部尚書許進者瑾信之語

諸大臣曰某邪奸若某尚書可爲吏部佐曰某與尚書素厚與
許交淺然許素有時望某尚書恐不如毀之者因譖曰王某質
黨進瑾益怒遂遷南京戶部尚書欲姑遣之去而徐圖之耳詳
南京戶部

劉幾詳尚書正德二年右

王瓊見尚書正德二年右六年起右七年轉左

韓福字德夫陝西西安府前衛軍籍成化辛丑進士授滑縣知
縣丁憂起復補知章丘弘治元年行取擢四川道監察御史九
年陞大名府知府十五年陞浙江右叅政十八年進大理寺左
少卿正德元年陞都察院右僉都御史巡撫保定等處地方一

年命改總督糧儲未任本年改管院事三年陞戶部左侍郎
本年命兼都察院左副都御史督理湖廣通賦福附劉瑾以
幹辦取容操切嚴急民甚苦之四年改命清理查遼東屯田
本年免官五年坐附逆瑾謫戍固原

孫交詳尚書正德三年右

吳文度字憲之應天江寧人成化壬辰進士授浙江龍泉知縣
境內肅然徵拜南京山東道監察御史兼持風采多所建白丁
未擢知汀州府民相與立祠勒石祀而頌之弘治戊午擢江西
右叅政壬戌進山西右布政使閱歲轉河南左右布政使力富才
贍一時弊政釐革殆盡下和買之令禁無名之役人至於今稱

之乙丑拜都察院右副都御史巡撫雲南屬夷酋阿本負險稱
亂文度至撫先文告猶弗率乃進師親臨行陣擒其渠魁地方
大定夷民納貢賦如中土捷聞 天子降勅獎諭錫與甚厚正
德戊辰擢戶部右侍郎尋轉左未幾拜南京都察院右都御史
逆瑾用事索賄文度弗應是歲冬改南京戶部尚書致仕詳南
京戶部

胡汝礪字良弼號竹巖陝西寧夏衛人成化丁未進士授戶部
主事監理清源芻粟力祛宿病狡吏莫敢奸也後進郎中丁父
憂服闋授戶部郎中督餉山西邊儲告裕北虜犯大同無可與
守者冢宰馬文升特權知大同於是總戎重臣不束其下身瘡

抑之進順天府丞期年進府尹順天雖首善之地然勢族豪右
十七其民動遭齟齬乃低昂其間畿甸之內亦有陰受其惠者
遂進戶部右侍郎勅董宣府邊務尋改兵部左侍郎兼僉都
乃蒞邊政拓宣府屯田以增出地畝進兵部尚書未任卒詳兵
部

儲燿字靜夫直隸揚州府泰州人成化甲辰進士授南京吏部
考功主事尋陞郎中弘治甲寅太宰鉅鹿耿公奏改吏部考功
郎中公留意人才考注臧否無不曲當一時人士竦然戒曰儲
君秋陽可畏居南部時考察庶官雖執政親戚知識者咸無假
借天下服其公丁巳擢太僕少卿次年遭丁內艱去辛酉起服

補舊職禁吏迎送除民苛費及馬政積弊乙丑陞本寺卿首舉
馬政便民者四事疏上悉見施行譽望日隆性狷介寡合執政
不相悅奏擢都察院右僉都御史總督南京糧儲革倉庾宿弊
裁省供費及條陳應議四事多所惠益正德戊辰擢戶部右侍
郎已巳遷左督儲其蒞政一如南都沉靜端毅中貴同事者咸
見嚴憚時逆瑾用事稱爲先生而不敢慢庚午春以疾乞休冬
十月仍起爲左侍郎四方多故壬申年爲南京戶部左侍郎京
儲虛耗囷籌畫深遠務善後圖癸酉正月改南京吏部左侍郎
八年卒於官見南京吏部

陳鼎字

山東兗州府單縣人成化辛丑進士

弘治十一年陞通政司右叅議十二年轉左十四年陞右通政正德元年轉左二年陞太僕寺卿三年陞戶部右侍郎總理倉儲四年陞戶部左侍郎仍督倉儲尋致仕五年起左督倉儲喬宇字希大號白巖山西太原府樂平人成化甲辰進士丙午授禮部儀制司主事丁憂弘治庚戌服闋除吏部文選清吏司主事壬子署考功司員外郎丁巳補郎中辛酉調文選司郎中日益勤勵門無私謁凡三與考察輿論稱允至於拔進賢才杜塞僥倖屏退憚壬無不贊行之壬戌遷太常少卿八月有事南郊命導駕齋壇正德丙寅命分祭中鎮霍山黃河四海媯皇商湯王陵及晉代濟諸王陵園事竣之日咨諏民隱爲六事

上之多見采納戊辰轉光祿寺卿專以裁節浮費以甦民困爲
務一歲陞戶部右侍郎庚午遷左春至六月不雨漕河涸奉命
禱祭海嶽遂雨時宦瑾用事公卿多通關節恬然自守後瑾敗
獨皦然不爲所汙辛未轉南京禮部尚書詳吏部

陳震字文靜上世武進人也曾祖肆從 太祖定天下累陞都
督僉事蔭其子友爲蔚州衛同知正統間改慶陽衛長子福夢
老嫗以玉麟與已曰是汝子當以文易武也震生疑重洞達人
咸異之成化甲午中鄉試高等登丁未費宏榜進士弘治戊申
拜某道監察御史風裁凜然丁巳陞山西按察司副使耻尚嚴
峻務以德化壬戌陞本司按察使憲度益修正德初以御史盧

儀事註誤左遷兩淮運同轉長蘆鹽運使司而支正三品俸力
請致仕得 旨命允居數年以附逆瑾吏部張綵薦其才可重
授起陞光祿寺卿已復陞戶部右侍郎庚午夏值寘鐸反逆瑾
欲彌縫其失改爲兵部右侍郎兼都察院左僉都御史總全陝
之師以討之冀其成功柄用之至則罪人已獲乃撫安夏人屬
鎮西將軍曹雄取其餘黨悉命指揮黃正起解欲以獻俘爲功
八月劉瑾伏誅以累罷歸卒於家詳三邊總督

毛紀字維之山東萊州府掖縣人正德十五年任詳內閣

韓鼎字廷器陝西慶陽府合水縣人辛丑登進士第乙巳還爲
禮科給事中丁未 孝宗嗣位首陳公銓選經財用嚴兵衛崇

天道四事尋差陝西寧夏二鎮給散官軍賞賚能盡革侵漁之
弊由是人沾實惠戊申遷右給事中時西夷貢獅所過騷然上
疏言陛下初政放珍禽異獸天下聞而誦之今未踰年而納
此貢恐無以示信於民宜罷遣之又以皇嗣未廣爲憂上言
禮天子一娶十二女以廣儲嗣重大本也今舍是弗圖乃信邪
說建設齋醮將以徼福不已惑乎上感其言優詔答之進左
給事中太常卿丁永中少卿蒙以祺俱由黃冠金紫神樂觀車
素雲竊祭服售人事覺因火其藏以滅跡永中等庇素雲以災
聞鼎請明正其罪且乞用文學之臣以充太常庶知法守素雲
乃下詔獄衆論快之親藩將行婚禮詔給淮鹽一萬引爲助

上言凡賜鹽須遣中使支鬻因多市私鹽舟艦塞江官莫敢問鹽法且大壞請令有司給價與之便 詔如其言是時四方奏報災異甚多 上懼撤樂減膳詔百官修省言缺失乃陳謹大要堅大信崇節儉簡大臣重藩臬五事明年辛亥又上明正學遵舊制抑異端三事復因星變極陳時弊指斥貴近無所回互且乞遍覽羣臣章奏言有理者悉施行之 上皆嘉納擢通政司右叅議乙卯應詔陳言有克實心以消天變清軍匠以省軍儲正服舍以革僭越抑豪右以便商民數事言亦剴直調南京尚寶司卿尋改南京通政使司左叅議庚申擢右通政駐平安鎮督理河道申明禁例不爲貴勢所奪又置朱家淺等閘使水

有節縮濬汶上萊蕪諸家泉及淤河運舟賴之隄南旺湖以障
泛濫民得耕種其湖內田流徙復業乙丑擢通政使督理柴薪
於易州厰盡剔宿弊完逋薪一千七百萬有奇以母憂去職服
除遷戶部右侍郎遂引疾致仕既歸脫略邊幅日與親識觴詠
爲樂鄉人益敬重之後生袂其接引者皆自以爲得所歸依不
忍去正德乙亥卒壽七十九擢爲給事中遭際 聖明言輒爲
上所用天下多稱其賢嘗謂言官進言宜切時弊證以先王之
法酌之中道庶有裨於治其考績當以所言事 國家大計者
多寡爲殿最不當叙文書出納爲勞又謂攻君之過不若養君
之德諫官言事當在經筵進講後識者以爲名言蒞官所至皆

著能聲而平安惠政尤多民思之爲立生祠云所著有斗菴集一卷尚寶司實錄一卷慶陽府誌十卷藏於家

叢蘭字廷秀山東文登縣人弘治庚戌進士除戶科給事中陞兵科右給事中在科遇事必言至忤 旨下獄不挫十四年陞通政司右叅議轉左經略紫荆等關邊人賴之以內艱歸正德戊辰陞右通政庚午差延綏規畫邊務清屯督儲抽選軍丁至則寧夏變作延綏洶洶益鎮之以靜疏民心所甚不便者 詔已悉行之逆瑾銜甚蘭處之如平時瑾誅陞通政使未浹旬以三邊告乏陞戶部右侍郎兼左僉都督寧夏等處糧儲值歲旱禱於羣望鞠冤釋繫三邊皆雨引開中鹽無敢私謁商通而事

濟諸有補於邊儲皆條上行之又勅兼管固靜等處軍務時
山東河南羣盜猖獗蘭恐內地齊民不勝供億之苦疏請別處
軍餉廷議召巡撫廬鳳淮揚并以賑濟委之七年春至鳳陽
賊已壓境督率吏士遏截邀擊俘斬二千餘溺死數萬賑濟所
全活者十二萬六千八百餘撫釋脅從幾六百人民爲立生祠
還朝賜勅獎勵陞俸一級廕子太學生八年奉勅巡視西
路兼督宣大軍餉九年陞右都御史總制宣大詳南京工部
邵寶字國賢直隸無錫縣人成化甲辰進士授許州知州舉動
皆風教事尤急民事課農立社倉積散法釐正糧籍民稱便弘
治七年徵爲戶部員外十年進郎中操履清潔十三年陞江西

提學副使崇雅黜浮十八年陞浙江按察使正德二年陞浙江
右布政使三年陞湖廣左四年陞總漕左副都御史瑾銜之令
致仕瑾誅起撫貴州未任改戶部左侍郎疏乞終養詳南京禮
部尚書

王寅字敬夫直隸容城縣人成化辛丑進士授大理右評事進
寺副執法惟謹弘治壬子陞福建僉事辛酉陞陝西副使分理
馬政還牧地於官數萬頃刮奸剔蠹拒請託制強禦韓藩支
庶持寶帶造寅所求救子竟論如法正德丁卯遷廣西按察使
簡易安靜已巳陞四川右布政使尋陞太僕寺卿馬政一新歲
午陞工部右侍郎督山廠辛未改戶部以外艱歸甲戌服除改

刑部詳刑部

楊潭詳本部尚書正德八年右九年左

侯觀詳總儲正德九年右十三年左

鄭宗仁詳總儲正德十三年右十四年左

邊憲字汝成直隸任丘縣人成化甲辰進士授青州府推官讞
獄如老吏均六府之役奸莫能售弘治癸丑擢湖廣道御史按
宣大山西覈遼東邊儲所至有聲陞淮安知府以憂歸改鳳陽
正德丁卯陞浙江副使忤逆瑾至罰米二千石竟不少挫庚午
陞按察使尋轉右布政使辛未陞右副都御史巡撫山東以流
賊弗靖逮獄甲戌以原官起撫寧夏蓄芻糧飭邊備禦虜多所

斬馘丁丑陞南京刑部右侍郎乙卯改戶部以憂歸服除以右侍郎總督太倉疏漕運數事未幾轉左蒞部事嘉靖二年陞南京刑部尚書

秦金見尚書正德十五年右十六年左

鄒文盛見尚書正德十六年右嘉靖二年左

國朝列卿紀卷之三十六終